



Inatsisartunut ilaasortaq Naaja Nathanielsen, Inuit Ataqtigiit
Inatsisartut
/

**Nalunami kuultisiorluni aatsitassarsiorfimmi atorfillit akileraarutaat pillugit § 37
naapertorlugu apeqquaqammumt nr. 2012-193-imut akissut**

Nalunami kuultisiorluni aatsitassarsiorfimmi atorfillit akileraarutaat pillugit apeqquutit arlaqartut Inatsisartut suleriaasianni § 37, imm. 1 naapertorlugu apeqquutigaatit. Apeqquutitit uannut akisassanngortinneqarput.

18. september 2012
Sagsnr. 2012-073060
Dok. Nr. 1011898

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@nanoq.gl
www.nanoq.gl

Apeqquutit:

1. Apeqquutinut kingullernut marlunnut akissuteqannginnerminni paaserusutat avammumt saqqummiunneqarnissaat siunertaralugu aatsitassarsiorfiup akuer-sinissaa anguniarlugu Naalakkersuisut aatsitassarsiorfimmumt saaffiginnis-simappat?
2. Atorfillit ataatsimut isigalugit akileraarutaasa isertuunneqarnissaannumt, ani-ngaasaqarnikkullu soqutigisaat ilanngullugit, aatsitassarsiorfik isertuussinis-saminut sutigut soqutiginninnersoq Naalakkersuisunit itisilernissaa kissaatigi-neqarpoq.
3. Taamatutaaq paasissutissanik pineqartunik aatsitassarsiorfiup isertuussinis-saminut aningaasaqarnikkumt patsiseqartumik soqutiginninnera pillugu paasis-sutissat pineqartut avammumt saqqummiunnerisigut ingerlatseqatigiiffiup ani-ngaasatigut annaasaqarsinnaanermik navianartorsiorsinnaanera ilimanaa-teqarluarsinnaanersooq, sunalu tunngavigalugu Naalakkersuisut naliliisima-nersut Naalakkersuisunit itisileqquneqarpoq.
4. Atorfillit ataatsimut isigalugit katillugit akileraarutigisaat pillugit aatsitassarsi-orfiup ilaatigut aningaasaqarnikkumt soqutigisai pillugit paasissutissat iser-tuunneqarnissaat eqqarsaatigalugu aatsitassarsiorfik Naalakkersuisunit paa-siniaavigineqarsimava?
5. Ministerit paasissutissiinnaatitaanerat pinngitsooratillu paasissutissiisari-aqartitaanerat pillugu apeqquut inatsisilerituunumt atuagassiat naapertoraanni, 2011-mi aatsitassarsiorfimmumt atorfilinnit nunatta karsianumt aningaasat qassit nakkartinneqarsimanersut pillugu Naalakkersuisut akissuteqarsinnaanngitsu-tumt naliliippat?
6. Apeqquutit pineqartut Inuussutissarsiornermumt Ataatsimiititaliamit imaluun-niit Aningaasaqarnermumt Akileraartarnermullu Ataatsimiititaliamit apeqquutigineqarpata Naalakkersuisut akissuteqarnissaminumt piareersimass-appat?

Akissutit:

1)-imut 4)-mullu Apeqquummut kingullermut siulianulluunniit akissuteqarnernut atatillugu Naalackersuisut selskabimut saaffiginnissuteqanngillat.

2)-mut Paasissutissat inatsisit naapertorlugit inuttut isigineqarsinnaasup akissarsianik tunniussisarneranut akileraarutinillu A-nik unerartitsisarneranut tunngassuteqarput. Oqaatigineqassaaq selskabi pisussaammat akileraarutit pineqartut unerartissallugit akilissallugillu.

Nunatsinni aalajangerneqarsimavoq paasissutissat akileraartarnermut tunngasut nipangiulluinnarneqarnissaat, tak. akileraaruserinermik ingerlatsineq pillugu inatsimmi § 9. Aalajangersakkami ilaatigut allassimavoq akileraaruseriffimmi sulisuusut, paasissutissat inuit imaluunniit inatsisit malillugit inuttut isigineqartut aningaasarsiornerannut, inuussutissarsiornerannut namminnerluunniit inuttut inuunerannut tunngasut susassaqaanngitsunut nipangiulluinnartussaagaat.

Taamaammat Naalackersuisut naliliisimapput paasissutissanik Karl Lyberth-imit qinnutiginetartunik ingerlatitseqqinneq tassaassasoq paasissutissanik allat susassarinn-gisaannik, akileraaruserinermik ingerlatsineq pillugu inatsimmi § 9-mi pineqartunik tamanut saqqummiussineq.

3)-mut Apeqqut 2)-mut akissut innersuussutiginetartuq.

5)-imut Naalackersuisut isumaqarsimapput apeqqutip aalajangersimalluinnartumut tunngasuunera pissutigalugu paasissutissat Inatsisartunut akissuteqarnermi ingerlateqqis-sallugit, taamalu tamanut saqqummiutissallugit naleqqutinngitsaq. Paasissutissanik Naalackersuisuniit Inatsisartunut tunniussisarnerup Pisortani suliassat suliarineqartarne-rat pillugu inatsimmi § 27-mi imaluunniit akileraaruserinermik inatsimmi § 9-mi aalaja-ngersagaliuunneqannginneranik oqarneq Naalackersuisut isumaqatigaat, kisianni aama ammasumik akissuteqarneq paasissutissat tamanut ingerlateqqinneqarnerannik pinngitsoorani kinguneqartussaammat Naalackersuisut imminnut pisussaatiippat paasis-sutissat isertuunniarlugit.

6)-imut Aap.

Apeqqutit pineqartut ataatsimiititaliami matoqqasumik ataatsimiinnermi akineqarsinnaanissaat Naalackersuisut nalilerpaat, tassa paasissutissat ataatsimiititaliamut pineqartumut soqutiginaateqarsorineqarpata. Paasissutissat Inu-ussutissarsiornermut Ataatsimiititaliamut taamatullu aamma Aningaasaqarnermut Akileraartarnermullu Ataatsimiititaliamut soqutiginaateqarsorineqarput.

Inussiarnersumik inuulluaqqusillunga

Maliina Abelsen

Aningaasaqarnermut Naalackersuisoq